

O FESILIE ONO FESILIGIA FAATATAU AGAI I LE TAIALA MO LE ATINAE O SAMOA

1. O lea le Taiala Mo Le Atinae O Samoa (TAS)?

O le TAS o loo auiliili ai le aotelega o atinae e manaomia i totonu o Samoa, manulauti ma taiala mo le faataunuaina o ia atinae. O le tusi muamua sa faaigoaina i le Fuafuaga Faataatia O Le Tamaoaiga (FFT)lea ua suia le igoa i le Taiala Mo Le Atinae O Samoa (TAS) lea e faataatitia ai taiala ma fuafuaga a le Malo o loo lisiina atu i lalo.

- a. Vaaiga Taulai – *Siitia le Soifua Manuia o Tagata*;
- e. Sini Autu – *atinae nei ma a taeao*;
- i. Vaega Faamuamua ma Manulauti;

Vaega 1: Faiga Faavae o le Tamaoaiga

- *Manulauti 1: Mausali le Tamaoaiga*
- *Manulauti 2: Unaia le Tamaoaiga e le Vaega Tumaoti ma Faateleina Avanoa Faigaluega*

Vaega 2: Faiga faavae o le Soifuaga Lautele

- *Manulauti 3: Faaleleia taunuuga o Aoaoga*
- *Manulauti 4: Faaleleia le Soifua Maloloina*
- *Manulauti 5: Atinae o Alalafaga: Faaleleia Tamaoaiga ma le Soifua manuia o tagata, Faaleleia Pulega i Nuu ma Alalafaga*

Vaega 3: Faaleleia Pulega a le Malo ma le Siosiomaga Saogalemu

- *Manulauti 6: Faaleleia Pulega o Ofisa o le Malo*
- *Manulauti 7: Saogalemu le Siosiomaga e Tuuaititia ai Aafiaga i Faalavelave Faalenatura*

Goal 7: Environmental Sustainability and Disaster Risk Reduction.

- o. Mataituina ma le Iloiloina
- u. Auiliiliga ma le faatinoina o Taiala

2. Aisea e faia ai le Taiala mo le Atinae o Samoa?

O le TAS o loo i ai uma fuafuaga faataatitia a le Malo ma e fai ma faasino ala mo le Vaaiga Taulai *Siitia le Soifua Manuia o Tagata* ma le sini autu *atinae nei ma a taeao* ma taiala filifilia o lea faatinoina ina ia mafai ona ausia ma faataunuaina fuafuaga ma manulauti. O le TAS e faia e le Matagaluega o Tupe i lalo o se aiaiga o le Tulafono e Pulea ai Tupe 2001 – Vaega IV (Puipui 17).

3. E faafefea ona tapenaina ma fauina le Taiala mo le Atinae o Samoa?

E tapenaina ma fauina le TAS e le Vaega e Tuufaatasia Faiga Faavae ma Fuafuaga o le Tamaoaiga a le Matagaluega o Tupe e faatatau lea i faatalalanoaga ma fonotaga e aafia ai Matagaluega ma Faalapopotoga a le Malo, pisinisi tumaoti, taitai o ekalesia ma vaega o nuu ma alalafaga (faifaatoaga, auunaga mo le vaega o turisi, pisinisi, faiaoga, auunaga mo le soifua maloloina, ma isi). O ia faatalalanoaga e faaauau pea ona o e o loo auai e i ai foi i tapenaga o fuafuaga o vaega ma fuafuaga autasi mo matagaluega ma faalapopotoga a le Malo.

4. E fia lomiga o le tusi TAS ua faia?

O ono lomiga o le tusi TAS e i ai: (a) Fuafuaga Faataatia o le Tamaoaiga (FFT) 1996-1997; (e) FFT 1998-1999; (i) FFT 2000-2001; (o) Taiala mo le Atinae o Samoa (TAS) 2002-2004; (u) TAS 2005-2007 ma le (f) TAS 2008-2012.

5. O lea le taimi ma tausaga o loo aafia i le Taiala mo le Atinae o Samoa i le taimi lenei ma aisea ua suia ai mai le tausaga faale talega i le tausaga faale tupe?

O le TAS e aafia ai le vai-tausaga mai le aso 1 Iulai 2008 agai i le aso 30 Iuni 2012. O le suiga mai i le tausaga faale talega agai i le tausaga faale tupe (1 Iulai – 30 Iuni) ia ogatasi ai le vaitaimi o le TAS ma le tausaga faale tupe. O lea fetuunaiga ina ia mafai ona faia ni auiliiliga maeaea mo taiala mai tagata lautele, vaega o pisinisi tumaoti ma nuu ma alalafaga.

6. O lea le eseesea i le Taiala mo le Atinae o Samoa (TAS) o loo i ai nei ma isi lomiga ua mavae?



O le eseesea i le TAS 2008-2012 ma isi TAS ua mavae o loo lisiina atu i lalo:

- O loo i ai le auiliiliga maeaea o le TAS 2005-2007, o suesuega o galuega ma atinae faatino ma luitau e ono feagai ma le atunuu ;
- O loo i ai manulauti faaitulagi ma manulauti faava-o-malo (Manulauti o le Meleniuma ma Fuafuaga Alualu Mamao a le Pasefika);
- O loo i ai le vaega o le mataituina ma le iloiloina faatasi ai ma le vaega o faailoilo e fuaina ai galuega faatino;
- O loo i ai le vaega o le Puipuiga o le Siosiomaga ma le Faaitiitia o Aafiaga o Faalavelave Faale Natura;

7. O a vaega o loo aafia i lalo o le Vaega 1 – Faiga faavae o le Tamaoiga?

O loo aafia ai (a) Pulea le Tamaoiga; (e) Atinae ma Auunaga Tetele; (i) Tulafono ma Auunaga Talafeagai mo Pisinisi; (o) Atinae o le Vaega o Tupe; (u) Faiga faavae mo Fefaatauaiga; (f) Atinae mo le Lumanai; ma (g) Vaega Faataua – Turisi, Faatoaga, Faigafaiva, Fefaatauaiga, Falegaosioloa ma Atinae o Taaloga.

E lua vaega tetele i le 2003-2007 e i ai le (a) Fefaatauaiga ma (e) Galuega Tetele. O loo faaali manino atu i kalafi lapotopoto e lua o loo i lalo. Sa faatupulaia le tamaoiga i le 4.4% mo le vaitausaga 2000-2007 lea e faaali manino atu i le kalafi o loo i lalo.



8. O a vaega o loo aafia i lalo o le Vaega 2 – Faiga faavae o le Soifuaga Lautele?

O loo aafia ai (a) Aoaoga (e) Soifua Maloloina (i) Atinae o Nuu ma Alalafaga. O faafitauli e ao ona faafoia e taiala o aoaoga e i ai le maualuga o le numera o tamaiti e o ese mai aoga, maualuga le numera o tamaiti e toe nonofo faalua i se vasega, maualuga le numera o faiaoga e o ese mai i lea galuega, maualalo le numera o tamaiti e lelei le latou faitautusi faapea ma le atinaeina o galuega tau faiaoga ma polokalame e faaleleia ai lea matafaioi. O faafitauli i le soifua maloloina e aafia ai le faatupulaia o faamai le pipisi, tina maitaga ma le soifua maloloina o tamaiti, faamai pipisi ma manuaga. O le Atinaeina o Nuu ma Alalafaga o lea faamalositia i le unia o pulega lelei, faamalositia le atinaeina o le tamaoiga ma faaleleia le soifuaga lautele ma tautua poo auunaga.

9. O a vaega e aafia i lalo o le Vaega 3 – Pulega a le Malo ma le Siosiomaga Saogalemu?

O loo aafia ai (a) Pulega a le Malo faatasi ai ma taiala o loo faaleleia ia pulega, puleaina o tupe a le Malo ma le fetuunaiga o le vaega o Faalapotopotoga Tumaoti a le Malo; (e) Tulafono ma Faamasinoga faatasi ai ma taiala o loo faaleleia le nofo filemu o nuu ma alalafaga; (i) Siosiomaga Saogalemu e Tuuaitiitia ai Faalavelave Faale-Natura o loo faapea ona tulimataia le tuufaatasia o aiaiga mo le mausali o atinae i totonu o faiga faavae, polokalame ma poloketi, faaleleia le vaiga o le siosiomaga ia faapea ona ogatasi ma le mataituina ma unia malosiaga faafouina.